



Universitätsbibliothek Paderborn

De Officio Hominis Christiani In Persecvione Constitvti

Lens, Jean de

Lovanii, 1578

Quibus argumentis palliari posse videatur traditionis crimen, & ad ea
breuis responsio. Cap. XXIII.

urn:nbn:de:hbz:466:1-30333

hæc idola sua laudibus ferebant, dicebantq; Constatius ethnicus factus est, & Ariani nostra agnoscunt. Sed cum intercæteros vnu magna vi thronum conuellens, ad se distraheret, fragmento ligni inde in eius ventrem resiliente, & quasi ab ipsa vltione impacto, intestina sua perforauit, & eadem vi, qua solium disrumpere conabatur, rupto alio, sua intestina profudit: Nimirum vtricem Dei manum cum Azotis sensit, qui olim ausi sacram arcam attingere tractareq; irreuerentius, diuina vltione perierunt. Non dissimilia scribit de Vandaliis Victor Uticensis. Nam accésus aduersus Ecclesiam Gensericus mittit Proculum quendam in provinciam Zengitanam, qui coarctaret (inquit) ad tradendum ministeria diuina, vel libros, cunctos Domini sacerdotes: ut primò armis nudaret, & ita facilius inermes hostis callidus captiuasset. Quibus se non posse tradere clamantibus, ipse rapaci manu cuncta populabatur, atque de pallis altaris, proch nefas, camisias sibi & femoralia faciebat. Qui tamen Proculus huius rei exequitor, frustatim sibi comedens linguam, in breui turpisima consumptus est morte. Hæc Victor lib. i. de perserquitione Vandalica. Neque vero nostri huius est instituti demōstrare prölixius quam male & alijs cesserit sacrilegij: ut palam fieret, quanta veneratione & fide seruanda sunt ea, quæ Deo fuerint semel ad eius cultum honorémque dedicata & consecrata.

Quibus argumentis palliari posse videatur traditionis crimen, & ad ea breuis responsio.

CAPUT XXII.

Si quis autem videre vult, quibus modis persuadere queat, nullum aut exiguum in traditione crimen esse, legat septimum Optati librum aduersum Parmenianum Donatistam: In quo argumenta colligit, plausibiliterq; prosequitur quibus

*Vide lib. 6.
tripar. bift.
cap. 32.*

bus Donatistarum patres suam traditionem excusare potuissent, si ad Ecclesiam pœnitentes redire, quām ab ea per superbiam resilire maluissent. Primum illud est, quod Moyses populo indignatus tabulas quas digito Dei gerebat inscriptas, vltro nemine cogente proiectas fregerit. Si frangere licuit, neque id sacrilegij quicquam habuit aut iniuria in res sacras, cur non liceat tradere ei qui sit confractus, præsertim vrgēte mortis metu? Nec tam est sacer codex humana manu conscriptus, quām ille Dei digito lapis exaratus. Secundū, quod arcā, in qua lex erat Dei, presbyteri, cæterique Israelitæ fugientes tradiderūt inimicis Philistæis. Tertium, quod Baruch librū tradidit, quem postea rex impius minutatim concidit & combussit, illo interim qui tradiderat fuga sibi consulente. Nec tamen aut Moysi Dominus iratus legitur ob id factum, nec aut Israelitas arca relicta hostibus sacrilegis, aut Baruch, quia libro tradito fugerat, vlla vindicta sequuta est. Quartum, non magnum est quid scriptum sit in charta aut membrana, aut lapide, nec ea legis inscriptio magni facienda est, sed ea quæ scribitur lex in corde per gratiā noui testamenti: non ergo multum interest quid in libro aut membrana tradatur, modo lex in corde salua permaneat: nec dāminum ullum accipit Ecclesia, quando adhuc libris plenæ sunt omnium manus, eadēmque omnia quæ prius & docentur & discuntur. Ergo si nullo Ecclesiæ damno potest quibusdam libris traditis vita seruari, quid necesse est sine causa, ne liber tradatur, occidi? Rursus, si membranæ aut libri quibus diuinæ res conscriptæ continentur, deberent illæsi & inuiolati seruari: tunc damnandi essent etiam vt sacrilegi, ij qui libros sarceros negligenter abiiciunt aut collocant, aut ignes vel aquas excidere patiuntur. Vnde fit vt percant omnino, aut corrosi à muribus, vel carie dimiuti, non illæsi recipiantur. Postremò An-

*Primum atra
guméatum.*

II.

III.

IV.

V.

VI.

VII.

M 3 thiochi

tiocchi temporibus Iudei coacti sunt libros in incendium dare. Quo factum est ut de scriptura diuina ne apex quidem unus remaneret, libris omnibus traditis: nec de Iudeis tamquam quispiam est ob id damnatus. Ad hanc verò atque huius generis argumentum non difficile est respondere ei qui attenderit quid petat inimicus religionis, quando sacros codices postulat. Petit enim Christi iniuriam, petit extinctiōnem diuinæ legis, petit sacrorum cōculcationem. Qui proinde petenti vel metu acquiescit, hoc profecto quod ille petierit, facit. Quod igitur alias licet vitæ causa conseruandæ, verbi gratia: si onusta librorum sacrorum pōdere nauis mergenda videretur, nisi libris in mare profectis, hoc cum inimicus ad Christi petierit ac religionis iniuriam, facere omnino non licebit. Sicuti etiam Christiano liceret carne vesci ieiunij tempore, si nullus aliis cibus suppteret, essetque nisi manducaret fame peritus: tamen si hoc inimicus Ecclesiasticæ & Apostolicæ legis postulet, facere non licet, nec siquidem in discriumen vita vocetur petit enim bonæ legis violationem & contemptum, quem ne Christianus admittat, ordinatis simè religiosissimèque temporaria vita contemnitur. Posit verò cuiquam Optatus ipse talibus argumentis animi sui probasse videri sententiam, quod sepius repeatat, si talibus argumentis usi fuissent Donatistæ traditores, non eos iure potuisse à communione repelli. Item quod dicat id solum prohiberi à Deo quod voluntate fit, non quod fit necessitate. ait enim: Quicquid Deus fieri noluit, ore suo prohibuit, quomodo dixit: Non occides, non mœchaberis. Potuit etiam hoc prohibere quod à parentibus vestris admissum est, sed quoniam aliud est quod operatur euentus, quicquid de voluntate potest ab homine fieri, hoc meruit prohibiri: quicquid necessitas peccat, non potest magnis viribus accusari, & infra: Ideo prohibita

dum

dum geruntur, iudicio destinantur: non interdicta dum aliqua necessitate fiunt, fortè facile dignetur ignoscere qui noluit prohibere. Verum de Optati sententia constat ex ijs quæ superius commemorata sunt ex eodem. Ostendit autem quām multis de causis potuissent excusabiles videri, atque ad veniam pertinere, nisi maluissent per superbiam schisma facere. Quod autem metu perterritus & turbatus necessitate cogente quis facit, nemo existimare debet non id fieri voluntate. Est enim minus quidem voluntarium quām si abesset metus, sed tamen cum quis faciat, non is potest videri nisi voluntate facere. Non solet (inquit Augustinus) dici quipiam voluntate fecisse quod fecit inuitus. Quam-
Lib. de sp̄l.
ritu & li-
tēra ca. 30°

quam si subtilius aduertamus, etiam quod quisque inuitus facere cogitur, si facit, voluntate facit: sed quia malit aliud, ideo inuitus, hoc est, nolens facere dicitur. Malo quippe aliquo facere compellitur, quod volens euitare vel à se remouere facit quod cogitur. Nam si tanta voluntas sit ut malit hoc non facere quām illud non pati, cogenti proculdubio resistit, nec facit: ac per hoc si facit, non quidem plena & libertavoluntate, sed tamen non facit nisi voluntate. Cum igitur per quendam sathanæ satellitem nomine Magnum, qui Valenti imperatori comes largitionum & dux militum fuerat, hæc atque eiusmodi serpens antiquus sibilaret, quo Dei famulos vel ad simulatam pertraheret schismatis Ariani societatem: Flectimini, & finite vos moueri ut Ariano dogmati accedatis: veniam quidem vobis numen (etiamsi vestra sit vera religio) facilè daturum est, ignoscetque diuinitas, quod non vestra sponte, sed vi coacti feceritis. Coactioni enim semper relinquitur defensio, necessitatique satisfactio adest: spontaneam vero voluntatem digna accusatio subsequitur.

His igitur cum ille vocibus sollicitaret ad nephas, nihil persuasit catholicis ac probè instructis hominibus, sed nec perterrefecit ac fregit adiunctis minis, vlláue commemoratione tormentorum. Quin hoc potius responsum accepit fortissimis dignum pectoribus: Desine de cætero, desine humanus modi nos territare sermone, desine verba iniuria profundere. Quantumlibet enim fremas, & tanquam procellosus ventus irrumpas, nostamen de pietatis via non depellemur, sed pro orthodoxis dogmatibus ad mortem usque decertabimus.

*Tripart. hi.
stor. lib. 7.
cap. 40.
Et Theodo.
li. 4.68.32*

Summaria comprehensio rationum earum quibus officium catholici hominis continetur in schismatica communione vitanda persequuntur tempore.

CAPUT XXXIII.

Hoc igitur Christiani hominis officium est, quod animo sententiaque de religione tenetur, id obseruatione quoque præ se ferre: cum sit religio Christiana non in solo posita de rebus diuinis recto iudicio, sed in ipso præcipue opere, certaque & colendi & viuendi ratione: neque usquam omnino nisi in Ecclesiæ catholicæ communione teneatur: usque adeò ut qui se ab ea seiuixerunt, vel seiuictis communicant, etiam si neque doctrinæ aduersitate, quod ad tempus fieri potest, neque sacramentorum diuerso ritu separantur, tamen veram non sequantur religionem. Non enim vlla in societate vera est, nisi in qua Deus fide, spe & charitate colitur: neque ibi charitate coli potest, ubi nefario schismate unitas violatur, & animi bene prius iuncti diuiduntur, & altare sacrilegæ separationis, contra altare pacificæ unitatis erigitur. Sic enim creditur & docetur (inquit Augustinus) quod est humanæ salutis caput, non aliam esse philosophiam, id est, sapientiae studium, & aliam religionem: cum iij quorum doctrinam

*Lib. de re
relig. 5*